

AKHBAR : SINAR HARIAN

MUKA SURAT : 2

RUANGAN : PENANAMAN HEM DI MALAYSIA

Penanaman ganja hanya untuk industri

PUTRAJAYA - Penanaman hem atau ganja industri yang dibenarkan di Malaysia hanya untuk tujuan penghasilan serat atau gentian yang boleh digunakan dalam industri kosmetik, fabrik, pakaian serta makanan, kata Pengarah Kanan Program Perkhidmatan Farmasi Kementerian Kesihatan, Dr Ramli Zainal.

"Dalam Akta Dadah Berbahaya 1952, terdapat satu seksyen yang mengatakan bahawa hanya pegawai awam dalam kerajaan dibenarkan menanam hem untuk tujuan penyelidikan iaitu Akta 6B (2) yang memperuntukkan menteri boleh memberi kebenaran dan izin.

"Kita sekarang sudah menyediakan

garis panduan tertentu untuk mengawal penanaman hem untuk tujuan penyelidikan.

"Antaranya termasuk dari segi keselamatan seperti pagar dan cara pelupusan," katanya pada Kongres Saintifik Tahunan Persatuan Perubatan Toksikologi Asia Pasifik (APAMT) ke-18 2019 di sini semalam.

Dr Ramli berkata demikian bagi memperjelaskan kenyataan Menteri Kesihatan, Datuk Seri Dr Dzulkefly Ahmad semalam bahawa kerajaan akan membenarkan penanaman hem, sejenis tumbuhan herba daripada spesies Cannabis Sativa bagi tujuan penyelidikan industri.

AKHBAR : SINAR HARIAN

MUKA SURAT : 1

RUANGAN :

KERAJAAN KAJI BENARKAN TANAM GANJA JENIS HEM


Menteri Kesihatan, Datuk Seri Dr Dzulkefly Ahmad berkata, kerajaan dalam proses membenarkan penanaman 'hem' (sejenis tumbuhan herba daripada spesies Cannabis Sativa) tetapi hanya untuk tujuan penyelidikan industri. Hem banyak digunakan sebagai bahan industri kerana serat pada batang dan bijinya digunakan dalam lebih 25,000 produk industri di seluruh dunia.



“Bagaimanapun, tarikh pelaksanaan kebenaran ini masih belum dapat diputuskan. Ia bergantung kepada perbincangan bersama Kementerian Air, Tanah dan Sumber Asli.”

- Kata Dr Dzulkefly pada sidang akhbar di Putrajaya semalam.

MUKA 2 & 3



AKHBAR : SINAR HARIAN

MUKA SURAT : 2

RUANGAN : PENANAMAN HEM DI MALAYSIA

Kerajaan benarkan penanaman hem

Dua buah kementerian sedang sediakan kertas cadangan

PUTRAJAYA

Kerajaan akan membarkan penanaman hem, sejenis tumbuhan herba daripada spesies Cannabis Sativa bagi tujuan penyelidikan industri.

Menteri Kesihatan, Datuk Seri Dr Dzulkefly Ahmad berkata, kebenaran itu tertakluk mengikut Seksyen 6B (2) Akta Dadah Berbahaya 1952.

"Menteri Kesihatan mempunyai kuasa untuk memberi izin kepada pegawai awam untuk bagi tujuan tersebut," katanya.

Beliau bagaimanapun berkata, tarikh pelaksanaan kebenaran itu masih belum dapat diputuskan dan pihaknya sedang menunggu kertas cadangan daripada Kementerian Air, Tanah dan Sumber Asli dan Kementerian Pertanian dan Industri Asas Tani.

"Ya. Kita sedang (beri izin) dan ini bergantung



FOTO: BERNAMA

Dr Dzulkefly Ahmad (dua dari kiri) meluangkan masa bersama para peserta selepas merasmikan Persidangan Toksikologi Ke-18 Persatuan Toksikologi Perubatan Asia Pasifik ke-18 (APAMT 2019) di Putrajaya semalam.

kepada dapatan kajian oleh kementerian terbabit mengikut garis panduan ditetapkan," katanya pada sidang media selepas merasmikan Kongres Saintifik Tahunan Persatuan Perubatan Toksikologi Asia Pasifik (APAMT) ke-18 2019 di sini semalam.

Dr Dzulkefly berkata, kementerian berhati-hati dalam perkara tersebut kerana bimbang hem disalah guna pihak tidak bertanggungjawab.

"Kita tahu ramai yang teruja tetapi kami tidak mahu jadi penghalang. Kita mahu memudah cara.

Dalam Kabinet pun saya sudah membincangkan perkara ini," katanya.

Seksyen 6B (2) Akta Dadah Berbahaya 1952 turut menjelaskan tiada apa-apa yang boleh menghalang menteri daripada memberi kuasa kepada mana-mana pegawai awam untuk menanam ganja daripada cendu mentah, daun koka, jerami atau ganja boleh diperolehi sama ada secara langsung atau tidak langsung, di tempat dan atas terma dan syarat yang dinyatakan dalam kebenaran untuk tujuan penyelidikan, pendidi-

kan, eksperimen atau perubatan.

Pada Sidang Dewan Undangan Negeri (DUN) Selangor kelmarin, Ahli Dewan Undangan Negeri (ADUN) Jeram, Mohd Shaid Rosli sekali lagi menggesa kerajaan negeri mempertimbangkan cadangan tanaman ganja.

Mohd Shaid ketika sesi perbahasan Belanjawan Selangor 2020 turut melahirkan keyakinan berhubung pelaksanaan agenda itu dalam bidang pertanian di Selangor sekiranya kerajaan negeri memikirkan daripada sudut positif.

AKHBAR : SINAR HARIAN**MUKA SURAT : 29****RUANGAN : SINAR NEGERI/SELANGOR/KUALA LUMPUR**

Tengku Permaisuri Selangor berkenan rasmi Majlis Graduasi Bayi Pramatang Hospital Shah Alam

SHAH ALAM - Tengku Permaisuri Selangor, Tengku Permaisuri Norashikin Abdul Rahman berkenan berangkat ke Majlis Graduasi Bayi Pramatang Hospital Shah Alam di sini semalam.

Keberangkatan baginda disambut Timbalan Menteri Kesihatan, Dr Lee Boon Chye; Pengarah Jabatan Kesihatan Negeri Selangor, Datuk Dr Khalid Ibrahim dan Pengarah Hospital Shah Alam, Dr Ruzita Othman.

Baginda berkenan menyempurnakan simbolik

perasmian dan penyampaian Sijil Majlis Graduasi Bayi Pramatang.

Tengku Permaisuri Norashikin kemudiannya menyampaikan sumbangan daripada PKNS Real Estate Sdn Bhd sebanyak RM35,000 kepada Hospital Shah Alam sebelum mengadakan lawatan ke Unit Rawatan Rapi Neonatal (NICU).

Seramai 452 bayi pramatang direkodkan di Hospital Shah Alam sejak 2016 hingga Ogos lalu.



Tengku Permaisuri Norashikin (empat dari kanan) menyampaikan sijil pada Majlis Graduasi Bayi Pramatang Hospital Shah Alam semalam.

AKHBAR : HARIAN METRO

MUKA SURAT : 20A

RUANGAN : LOKAL



Boleh tanam hemp

Izin hanya untuk tujuan penyelidikan industri

Oleh Hairulazim
Mahmud
azim@hmetro.com.my

Putrajaya

Kerajaan akan membenarkan penanaman hemp yang juga sejenis tumbuhan spesies ganja bagi tujuan penyelidikan industri.

Menteri Kesihatan Datuk Seri Dr Dzulkefly Ahmad berkata, kebenaran berkenaan berdasarkan Seksyen 6B (2) Akta Dadah Berbahaya 1952 dan ia terhad kepada pegawai awam dari Kementerian Air, Tanah dan Sumber Asli (KATS) dan Kementerian Pertanian dan Industri Asas Tani (MOA).

Katanya, orang awam tidak dibenarkan menanam tumbuhan berkenaan dan boleh dikenakan tindakan mengikut Akta Dadah Berbahaya 1952 sekiranya berbuat demikian.

"Menteri Kesihatan mempunyai kuasa untuk memberi izin kepada pegawai awam bagi tujuan berkenaan."

"Ia untuk industri bukan perubatan," katanya.

Beliau berkata, kementerian sangat berhati-hati da-

dang media selepas merasmikan Kongres Saintifik Tahunan Persatuan Perubatan Toksikologi Asia Pasifik 2019 (APAMT) di sini, semalam.

Turut hadir Pengarah Kannan Perkhidmatan Farmasi Kementerian Kesihatan (KKM) Dr Ramli Zainal.

Kongres itu dianjurkan bersama Pusat Racun Negara Universiti Sains Malaysia (USM), Persatuan Toksinologi Malaysia dan Kolej Pakar Perubatan Keemasan, Akademi Perubatan Malaysia.

Hemp ditanam bagi menghasilkan serat atau gentian untuk kegunaan industri fabrik, kosmetik dan makanan.

Dr Dzulkefly berkata, buat masa ini pihaknya menunggu kertas cadangan daripada KATS dan MOA.

"Ya, kita beri izin dan ini bergantung kepada dapatan kajian oleh kementerian terabit mengikut garis panduan yang ditetapkan," katanya.

Beliau berkata, kementerian sangat berhati-hati da-

lam isu berkenaan supaya tidak timbul kekeliruan selain disalah guna pihak tidak bertanggungjawab.

"Kita tahu ramai yang terruja tetapi kami tidak mahu jadi penghalang.

"Kita mahu memudahkan dalam Kabinet pun saya sudah membincangkan perkara ini," katanya.

Sementara itu, Dr Ramli berkata, penanaman hemp hanya untuk penghasilan serat bagi kegunaan industri kosmetik dan makanan.

Menurutnya, KKM sudah menyediakan garis panduan berkaitan untuk mengawal penanaman hemp bagi tujuan itu.

Kelmarin, Kerajaan Negeri Selangor sekali lagi diminta mempertimbangkan cadangan penanaman ganja bagi tujuan perubatan di negeri itu.

Ahli Dewan Undangan Negeri Jeram Mohd Shaid Rosli yang membangkitkan isu itu berkata, ganja mempunyai manfaat besar dalam bidang perubatan pada masa kini.

“Orang awam tidak dibenar tanam tumbuhan berkenaan

Dr Dzulkefly Ahmad